

## פרק קא

(א) לְדוֹד מְזֻמּוֹר חֶסֶד וּמְשֻׁפָּט אֲשִׁירָה לְךָ יְהוָה אֲזַמְּרָה: (ב)  
אֲשִׁכִּילָה בְּדֶרֶךְ תְּמִים מְתִי תָבוֹא אֵלַי אֶתְהַלֵּךְ בְּתֶם לִבִּי בְּקָרֵב  
בֵּיתִי: (ג) לֹא אֲשִׁית לְנֶגֶד עֵינַי דְּבַר בְּלִיעַל עֲשֵׂה סִטִּים שְׁנֵאתִי  
לֹא יִדְבֹק בִּי: (ד) לִבִּי עֵקֶשׁ יָסוּר מִמֶּנִּי רָע לֹא אֲדַע: (ה)  
מְלוֹשְׁנִי {מְלִשְׁנִי} בִּסְתֵר רַעְהוּ אוֹתוֹ אֲצַמִּית גְּבַה עֵינַיִם וּרְחַב  
לִבִּי אֵתוֹ לֹא אוֹכֵל: (ו) עֵינַי בְּנֶאֱמָנִי אֶרֶץ לְשֹׁבֵת עֲמָדֵי הַלֵּךְ  
בְּדֶרֶךְ תְּמִים הוּא יִשְׁרְתָנִי: (ז) לֹא יֵשֵׁב בְּקָרֵב בֵּיתִי עֲשֵׂה רְמִיָּה  
דְּבַר שְׁקָרִים לֹא יִכּוֹן לְנֶגֶד עֵינַי: (ח) לְבַקָּרִים אֲצַמִּית כָּל רְשָׁעֵי  
אֶרֶץ לְהַכְרִית מֵעִיר יְהוָה כָּל פְּעֻלֵי אֶזְרוֹ: